



Jou gids tot Hoërskool Ben Viljoen

Graad 8 Uiltjie

2025



LIEWE BEN VILJOEN OUER

Baie welkom by die Ben Viljoen-familie. Mag die pad wat u saam met u kind in 2025 begin stap vir u en u gesin vol vreugde wees.

By ons vorm die leerders, die personeel en die ouers die unieke hartklop van die skool. Akademie vorm die hoeksteen van ons skool en elke leerder se belangstellings en behoeftes is vir ons belangrik. Dit is ook belangrik dat elke graad 8-leerder tuis sal voel en sommer vinnig kan inskakel by die Ben Viljoen-ritme.

Dit is belangrik dat u kind by die skool se aktiwiteite inskakel - al is dit as ondersteuner - sodat hulle mekaar en die skool beter kan leer ken. By Ben Viljoen verseker ons geleenthede, deelname en pret. Hier leer ons kinders om te groei, uit teleurstellings te leer en sukses met nederigheid te vier.

Ons glo dat die graad 8's van 2025 dié jaar met toekomsvisie sal ingaan, hier sal groei en ontwikkel en om in 2029 hulle skoolloopbaan op 'n hoogtepunt te kan afsluit.



Alhoewel hoërskool impliseer dat kinders 'n stappie nader aan volwasseheid is, vorm ouers 'n integrale deel van alles wat die skool aanpak. Ons bedank u sommer byvoorbaat vir u positiewe betrokkenheid en gesindheid teenoor die skool. Laat u kind toenemend verantwoordelikheid neem, maar bly betrokke en weet dat ons as opvoeders saamwerk om u kind na volwasseheid te lei.

Lees hierdie inligtingsboekie noukeurig saam met u kind deur om u te vergewis van alles wat gedurende die eerste kwartaal by die skool sal gebeur. Neem kennis dat graad 8-uiltjies alle tuisbyeenkomste deur die jaar moet bywoon.

Ons vertrou dat u en u kind se verbintenis met Hoërskool Ben Viljoen vol opwinding, avontuur, nuwe vriende en interessante uitdagings sal wees. Mag hulle grense verskuif en nuwe wêreld ontdek binne die geborge raamwerk van integriteit, lojaliteit, respek, verantwoordelikheid en omgee.

ONS SKOOLIED

Die stroompie uit 'n verre tyd
het berg en hoogland oopgesplyt
en breed blink nou 'n wye stroom
deur bosse waar die stiltes droom.

Die droom het hier 'n daad geword
wat sterk oor wal en sluise stort
die water sing wat nou hier vloei
laat landery' en boorde bloei

Ons wat die groter toekoms erf
ploeg dieper los bind groot die
gerf
ontbos die berg en grawe wyd
kanale van die nuwe tyd

We are the future of our school
We plough, we sow, provide the fuel
for strength, success and honest
trust

together, a future true and just

Kom maat en vriend kom vat my hand
ons dien een volk een vaderland
en is ons werk ons eer
wen ons die oes wat ons begeer.

LIEWE UILTJIE VAN 2025

Baie geluk met jou besluit om by die Ben Viljoen-familie aan te sluit. Jy gaan nie spyt wees oor jou keuse nie... Ons is 'n WENSPAN in groen en goud!

Die graad 8-leerders van 2025 sal bekend staan as Uiltjies. Uiltjies sal tot en met die Klokluiseremonie sportdrag dra en mag eers daarna skooldrag dra. 'n Addisionele T-hemp (verskaf deur die skool), sal om die beurt saam met die swart sportbroek op Maandae, Woensdae en Vrydae gedra word. Die VERPLIGTE verwelkomingspakket beloop R350 en sluit alle graad 8 foosie in.

Maandae, Woensdae & Vrydae: T-hemp & swart sportbroek

Dinsdae & Donderdae: Ben Viljoen sportdrag

Die bogenoemde word met plakkies (Flip-Flops) of tekkies gedra, neem egter kennis dat plakkies met kouse nie toegelaat word nie

Die Uiltjies word reeds op 15 Januarie tydens 'n amptelike spanboufunksie by die skool verwelkom wat tot en met 15:00 sal duur. Hulle ontvang ook elkeen 'n Uiltjie-aansteekwapen, 'n hoedjie, T-hemp en sleutelhouer. Die aansteekwapen moet asseblief elke dag skool toe gedra word.

Daar sal ook 'n Graad 8-konsert wees waaraan ons die eerste paar weke hard sal oefen en dit dan sal opvoer vir die skool en die publiek. Alle Uiltjies is verplig om aan hierdie konsert, wat vanaf 10-12 Februarie plaasvind, deel te neem.



AS GRAAD 8-LEERDER MOET JY:

- Onderwysers, UR-lede en senior leerlinge respekteer
- Die skool se etos onderskryf en respekteer
- Die skool in sy totaliteit leer ken en ten alle tye saamwerk as een span
- Die personeel en UR-lede se name leer ken
- Deelneem aan die graad 8-konsert, atletiek en graad 8-kamp
- Altyd help met byeenkomste en funksies saam met die UR-lede
- NOOIT 'n verleentheid vir die skool wees nie
- Wanneer jy ondersteun tydens sportbyeenkomste word dit in skooldrag gedoen
- Inskakel by die skool se roetine
- Netheid en skooldragreëls geld in die openbaar
- Nie raserig/lawaaiierig wees nie, maar jou plek ken in die skool se hiërargie
- Interhoër en alle tuisbyeenkomste bywoon - dit is verpligtend
- Elke dag jou Graad 8-kenteken dra

WAT KAN JY VERWAG?

- 'n Splinternuwe manier van dink en doen!
- Verbreed jou horison en groei saam.
- Nuwe vriende! Al die graad 8's is ewe vreemd. Maak jy die eerste skuif en stel jouself voor - jy is dalk net die vriend waarvoor iemand anders gewens het!
- 'n Toekomsvisie. Ons sien hoe jy die toekoms van die land en die wêreld gaan beïnvloed en verander!
- SUKSES! Hier is deelneem lekker en sukses deel daarvan!
- Wees hier, wees betrokke, wees deel van een skool - een hartklop!
- Die beginpunt van die nuwe, beter, slimmer JY!

GRAAD 8 INLIGTING



ALGEMENE SKOOLORGANISASIE

- Skool begin stiptelik om 06:55
- Skool sluit Maandae-Donderdae om 13:30 en Vrydae om 13:00
- Leerlinge tree elke oggend op die vierkant aan in hulle registerklasrye
- Saalopening vind op Maandae plaas
- Leerders het 3 minute om te wissel tussen periodes
- Leerders word nie gedurende pouse toegelaat op die stoepe, sportgronde of op die koshuisterrein nie

INDELING VAN KLEURSPANNE

Kleurspanne word ingedeel volgens graadgroepe. Vir 2025 is die Graad 8-groep die groenspan tydens die onderskeie interhuisbyeenkomste.

BASIESE SKRYFBENOEFTES

Ons beveel aan dat u wag tot die kwartaal 'n aanvang geneem het voordat u hierdie addisionele items aankoop.

Skrifte word deur die skool voorsien. Daar mag addisionele skrifte benodig word wat deur u aangekoop moet word soos versoek per vak deur die onderwyser.

1. Passerstel vir Wiskunde
2. Casio FX 82ZA Plus Wetenskaplike Sakrekenaar
3. 10/20/30 bladsy A4 "flip files" soos benodig (ongeveer 4-8)
4. Dun plastiek tweegat voulêers soos benodig
5. Glimpenne (Highlighters)

FOTO'S EN INLIGTING VAN LEERDERS SE PRESTASIES

Ons gee graag erkenning aan ons leerders wat presteer, binne- en veral buite skoolverband. Ons vra dat ons ouers asseblief vir ons volledige inligting en foto's van goeie kwaliteit direk na bvbemaking@benviljoen.co.za stuur vir plasing op ons sosiale media.

WIE IS MY VOOG- ONDERWYSER?

Graadvoog: Me Elma de Beer

Graad 8A: Me H Blok

Graad 8B: Me C Snyman

Graad 8C: Me J Cairncross

Graad 8D: Me J Janse van Rensburg

Graad 8E: Mnr J Cronje

ONS WAARDES

RESPEK - LOJALITEIT - INTEGRITEIT - OMGEE - VERANTWOORDELIKHEID



WAARDESISTEEM

- Christelike en professionele onderwys
- Bevordering van akademiese prestasie en die skep van 'n leerkultuur
- Handhawing van dissipline
- Effektiewe bestuur en leierskap
- Bevorderling van tradisies en kultuur
- Kweek van lojaliteit en respek teenoor die skool en medemense
- Gelykwaardige en menswaardige behandeling
- Aanwakker en bevordering van kreatiwiteit
- Die kweek van gesonde kompetisiegees
- Ontwikkeling van die totale leerling tot sy/haar maksimale potensiaal

ONS VISIE

Dallers leef die skool se waardes in alles wat hulle aanpak uit. Hulle streef daarna om hulle talente te ontwikkel sodat hulle hulle regmatige plek in die samelewing kan inneem en 'n verskil in die wêreld kan maak.

Hoërskool Ben Viljoen is 'n parallelmedium opvoedkundige inrigting wat Christelike norme en hoë standarde handhaaf. Onderrig vind plaas in Afrikaans en in Engels.

ONS MISSIE

Die missie van Hoërskool Ben Viljoen is om volgens 'n bepaalde waardesisteen die kind in sy totaliteit met behulp van opvoedende Christelike onderrig tot 'n gebalanseerde verantwoordelike individu maksimaal te ontwikkel.

Met my Daller-bril op my neus, sien ek die helder visie van my skool: om Christelike waardes te handhaaf, om lojale burgers van ons land te wees, om ons taal met trots en waardigheid te gebruik, om uitnemendheid te bevorder en om op die tradisies van die skool voort te bou. Die Daller-bril help my om te fokus en op koers te bly.

Daar is 'n rede waarom jy die Daller-bril reeds van graad 8 af moet dra. Dit is 'n mite dat jou oë sal verswak of lui word. Bril dra raak gemakliker hoe langer jy dit dra en kort voor lank raak jy die duidelike visie gewoon en verkies jy om jou Daller-bril permanent deur jou skoolloopbaan te dra.

Met my Daller-bril op my neus - mis ek niks! Katastrofes word vermy voordat dit kan plaasvind. Die Daller-bril sorg dat ons ons visie altyd in gedagte hou. Ek sien elke dag helder, die visie van my skool wat uitgeleef word. Hier streef ons na uitnemendheid!



WAT BIED ONS JOU?



OP ONS TERREIN

- Ben's Kafeteria
- Loskop Gimnasium
- Sentrum vir Berading en Remediëring
- Swemklub

BUSROETES

Ons beskik tans oor twee busroetes wat op Vrydae-middae na skool vertrek om leerders af te laai en dan weer op Sondag-middae die kinders oplaai. Daar is addisionele kostes betrokke

Hierdie roete is:

Bus 1: Groblersdal - Marble Hall - Roedtan - Potgietersrus - Naboomspruit

Bus 2: Groblersdal - Stoffberg



KOSHUISE

Die koshuise van Hoërskool Ben Viljoen is bekend vir die huislike atmosfeer en individuele aandag aan elke kind. Die seuns- en dogterskoshuis kan elk 'n totaal van 75 leerders akkommodeer en bedien 3 maaltye per dag. Ons akkommodeer een leerder per kamer, behalwe vir graad 8-leerders wat soms met 'n ander graad 8-kamermaat moet deel.

Die koshuis is oop vanaf Maandae om 06:15 tot Vrydae om 13:00.

VAKINLICHTING



GRAAD 8 & GRAAD 9

- Afrikaans Huistaal
- Engels Eerste Addisionele Taal
- Wiskunde
- Natuurwetenskap
- Ekonomiese Bestuurswetenskappe
- Sosiale Wetenskap
- Tegnologie
- Lewensoriëntering
- Kuns & Kultuur

ONS AKADEMIE IS TOPS!

- Sedert 2004 behaal ons 'n gemiddelde 99.8% slaagsyfer
- Twee-derdes van die matriekleerling neem Wiskunde as 'n vak - van die hoogste persentasies in Limpopo
- Wiskunde- en Wetenskap-afdelings is van die beste in Limpopo gebaseer op matriekuitslae
- Voltydse, toegewyde Wiskunde remediërende onderwysers vir graad 8 en 9 leerlinge wat sukkel met Wiskunde. Hierdie onderwysers werk individueel met ±3 leerlinge op 'n slag teen geen ekstra koste nie
- Volwaardige, geregistreerde Tegniese skool met Meganiese- en Elektriese Tegnologie as vakke
- Hoërskool Ben Viljoen is een van min openbare Hoërskole in Limpopo met Drama en Visuele Kuns as vakke

GRAAD 10-12

Verpligtend:

- Afrikaans Huistaal
- Engels Eerste Addisionele Taal
- Wiskunde/ Wiskunde Geletterdheid/ Tegniese Wiskunde
- Lewensoriëntering

Keusevakke:

- Lewenswetenskap
- Tegniese Wetenskap
- Fisiese Wetenskap
- Rekeningkunde
- Besigheidstudies
- Rekenaartoevoegingstegnologie
- Inligtingstegnologie
- Toerisme
- Verbruikerstudies
- Ingenieurs Grafika en Ontwerp
- Visuele Kuns
- Dramatiese Kuns
- Meganiese Tegnologie
- Landbouwetenskap
- Elektriese Tegnologie
- Geografie

MATRIEKUITSLAE 2023

95.2% Slaagsyfer

75.63% matrieks behaal universiteitstoelating

72 onderskeidings



VAKINLICHTING



WAT IS DIE VERSKIL TUSSEN WISKUNDE, WISKUNDE GELETTERDHEID EN TEGNIESE WISKUNDE?

Wiskunde is 'n vereiste vak vir menige tersiëre studierigtings. Ouers en leerders moet wel besef dat nie almal wiskundig aangelê is nie, en dat daar vele beroepsmoontlikhede is vir leerders wat Tegniese Wiskunde of Wiskunde Geletterdheid as vak neem.

Verder is dit ook 'n feit dat leerders wat met Wiskunde sukkel en net-net aan die toelatingsvereistes voldoen, ook later op tersiëre vlak met wiskundige vakke sukkel. Leerders kan slegs Tegniese Wiskunde en Tegniese Wetenskap vat indien hulle die Tegniese rigting volg.

'n Slaagpunt in Wiskunde Geletterdheid of Tegniese Wiskunde is vir 'n leerder beter as 'n driuppunt in Wiskunde wanneer keuring by universiteite gedoen word.

Leerders wat Wiskunde Geletterdheid of Tegniese Wiskunde neem, is net so suksesvol in hulle latere beroepe as hul kollegas wat Wiskunde as vak geneem het.

WISKUNDE

Wiskunde is 'n analitiese wetenskap wat gebruik word om risiko's of probleme met geformuleerde formules op te los of aan te spreek.

Syllabusinhoud:

Graad 8 en Graad 9:

Basiese reëls word aangeleer.

Graad 10:

Alle afdelings is nuut vir die leerders, onder andere trigonometrie, funksies (grafieke), analitiese meetkunde, euklidiese meetkunde, waarskynlikheid. Toepassing van kennis is dan baie belangrik.

Graad 11:

Al die bogenoemde afdelings word voortgesit. Dit is moeiliker en word in Graad 12 afgehandel.

Graad 12:

Nuwe en moeiliker afdelings word gedoen, onder andere: rye en reekse en calculus ens.

WISKUNDE GELETTERDHEID

Wiskunde Geletterdheid laat hom toe om op 'n praktiese en toegepaste benadering alledaagse probleme of uitdagings aan te spreek of op te los. Leerders word toegerus met kennis en ervaring - ongeag of die probleem te doen het met lewens- of werkverwante probleme - te kan hanteer. Die vermoë om probleme te identifiseer, reg te interpreteer en beskouings sinvol te verstaan, word aangeleer om suksesvolle vertolking te kan bewerkstellig.

Syllabusinhoud:

- Toetse, eksamens en take word gebruik om vaardighede te toets om lewenservaring te ontwikkel.
- Praktiesgerigte opdragte en take oor werk- en lewensituasies soos belasting, elektrisiteitsrekening, finansiële dokumente, omtrek en oppervlakte wat nodig is om verbeterings aan huise te bring, herleiding van meeteenhede ens.

TEGNIESE WISKUNDE

Tegniese Wiskunde gaan oor die wiskundekonsepte wat gebruik word in die tegniese wêreld. Dit werk nou saam met nasionale kollegevereistes en werk tot ekwivalent met N1-, N2- en N3- wiskunde by kolleges.


Syllabusinhoud

Tegniese wiskunde bevat meeste komponente en assessering soos gewone wiskunde, maar behandel nie statistiek en datahantering nie. Hierdie konsepte word vervang met radiale en hoekbewegings.

Vraestelle bestaan uit twee toetse/ eksamens:

Vraestel 1: Algebra, grafieke en finansies
Vraestel 2: Analitiese meetkunde, trigonometrie, euklidiese meetkunde, radiale en hoekbewegings.

VAKINLICHTING



WAT IS DIE VERSKIL TUSSEN FISIESE WETENSKAP EN TEGNIESE WETENSKAP?

Fisiese Wetenskap bestaan uit twee hoof afdelings nl. chemie en fisika. Albei afdelings word van graad 10-12 bestudeer.

Chemie: is die wetenskap van materie en die interaksie daarvan met energie.

Fisika: word ook “fundamentele wetenskap” genoem aangesien elkeen van die ander natuurwetenskappe te doen het met sekere soort materiële stelsels wat die wette van fisika gehoorsaam. Fisiese Wetenskappe as vak bevoordeel leerders op verskeie vlakke. Dit help met die APS- toelatingstelling, dit maak jou meer aantreklik vir werwers van universiteite asook vir jou toekomstige werkgewers.

Die hoofdoel van Tegniese Wetenskappe is om leerders te ondersteun in die drie fokusareas van tegnologie, naamlik: meganiese tegnologie, elektriese tegnologie en siviele tegnologie. Tegniese wetenskappe berei leerders voor vir toekomstige leer, gespesialiseerde leer, die beroepslewe, burgerskap, holistiese ontwikkeling en sosio-ekonomiese ontwikkeling. Leerders wat tegniese wetenskappe as vak kies in graad 10-12 kan verbeterde toegang hê tot toegepaste tegnologiekursusse by VOO/FET kolleges, beroepsgerigte loopbaanrigtings en entrepreneursgeleenthede. Tegniese wetenskappe bevorder ook vaardigheidsontwikkeling in die tegnologieveld en sal gevolglik bydra tot die land se ekonomiese groei en die sosiale welstand van meer mense in ons land.

FISIESE WETENSKAP

Syllabusinhoud:

- Die vak bevat die volgende onderwerpe:
- Meganika
- Golwe, klank en lig
- Elektrisiteit en Magnetisme
- Materie en materiale
- Chemiese verandering
- Chemiese stelsels

TEGNIесе WETENSKAP

Syllabusinhoud:

- Meganika
- Materie en materiale
- Elektrisiteit en magnetisme
- Golwe, klank en lig
- Warmte en termodinamika
- Chemiese veranderinge

KONSESSIES

Neem asb. kennis dat indien u kind van konsessie gebruik maak in die laerskool, ons asb. daarvan in kennis gestel moet word aan die begin van die eerste kwartaal. Al die nodige dokumente moet ook by ons skoolkantoor ingehandig moet word.

ONTMOET ONS UITVOERENDE RAAD



Joe Cloete, NJ de Wet, Kyra Hancke, Anel Muller, Simone Naude, Du Toit Eksteen, Carmen Labuschagne, Louvan Lessing, Thandi Mabuza, Merie Muller, Christoff Augostine, Ankia Blok, Maggie French, Anel Geysler, Elandré Mallo, Alexia Paissopoulos, Mighael Alberts, Ane Botha, Nadia Janse van Rensburg, Kadmiel Lotika, Simone Theron, Chanté van Aswegen, Juan van den Heever, Ellené van der Westhuyzen, Janik Brits, Christian Jordaan, Tiaan Scheepers en Keziah Truter

PORTEFEULJES VIR 2025:



Hoofseun:	Joe Cloete
Hoofdogter:	Kyra Hancke
Onderhoofseun:	Janik Brits
Onderhoofdogter:	Ellené van der Westhuyzen
Deputy head boy:	Kadmiel Lotika
Deputy head girl:	Nomthandazo Mabuza
Voorsitter - Akademie:	Du Toit Eksteen
Voorsitster - Akademie:	Carmen Labuschagne
Voorsitter - Kultuur:	Christoff Augostine
Voorsitster - Kultuur:	Elandré Mallo
Voorsitter - Sport:	Tiaan Scheepers
Voorsitster - Sport:	Alexia Paissopoulos

SKOOLDRAG



SOMERSDRAG

vanaf die eerste Maandag in September tot die laaste Vrydag in April

DOGTERS



- Groen romp (ses baan):
Lengte 14cm vanaf die vloer
in knielende posisie
- Wit kortmou skoolhemp (met sakwapen), indien skoolhemp met baan/paneel insetsel gedra word, word hemp nie ingesteeek nie
- Wit skoolsokkies
- Swart toerygskoene wat gepolitoer kan word sonder gespes en oormatige dik sole
- Swart leerskoene met 'n bandjie mag ook gedra word
- Leerlinge kan grys "Regular fit" langbroeke dra met baadjie (blazer) op Maandae

SEUNS



- Grys kortbroek
- Grys kortmou skoolhemp (met sakwapen) vir graad 8-11 leerders, indien die boonste knoop toe is, moet leerder 'n das dra
- Grys kniekouse (met strepe)
- Swart skoene - toeryg, sonder versierings, wat gepolitoer kan word

SPORTDRAG

- Verpligte sportklere is by Extreme Clothing beskikbaar - (1B Mark Straat, Groblersdal)
- Hierdie is die sportdrag wat die Graad 8's tot en met die Klokluiseremonie moet dra

SKOOLDRAG



WINTERSDRAG

vanaf die eerste Maandag in Mei tot die laaste Vrydag in Augustus

DOGTERS



- Skoolbaadjie (blazer) is verpligtend vir Graad 8-leerders
- Groen skoolromp (ses baan) met wit skoolhemp en 'n skooldas
- Lang swart kouse (broekie kouse) of groen kniekouse met twee strepe of grys langbroek
- Grys "Prefect" langbroek ("regular fit") met wit skoolhemp en 'n skooldas
- Slegs grys kouse kan saam met langbroek gedra word
- Skooltrui/ Skooloortrektrui
- Skoolskoene soos voorgeskryf by somersdrag
- 'n Langbroek mag nie met slegs 'n skoolhemp gedra word nie
- Groen serpe is opsioneel
- Geen langbroeke wat ingewerk is nie ("skinny fit")

SEUNS



- Skoolbaadjie (blazer) is verpligtend vir Graad 8-leerders
- Grys langbroek ("Regular Fit") met 'n grys hemp en 'n skooldas
- Geen langbroeke wat ingewerk is nie ("skinny fit")
- Skooltrui (langmou en/of oortrektrui)
- Grys kouse en skoolskoene (soos genoem by somersdrag)
- Wanneer 'n skoolbaadjie gedra word moet 'n langbroek en skooldas gedra word

ONS SPORT IS DIE BESTE!



Hoewel Ben Viljoen 'n mediumgrootte skool is, bied dit die omvang van sportsoorte aan wat by groot skole gevind kan word.

'n Groter persentasie van ons leerlinge kry blootstelling op eerste span vlak. Die afrigting word deur onderwysers gedoen waarvan baie self provinsiale kleure het en/of provinsiale afrigting gedoen het. Ons beskik oor vier rugbyvelde, drie hokkievelde, agt weervaste netbalbane, 'n krieketveld met oefennette, 'n stadion met plek vir 5000 toeskouers, swembad, ses tennisbane sowel as Loskop Gimnasium op ons terrein.

SPORTSOORTE

- Atletiek
- Rugby /Sewesrugby
- Dogtershokkie
- Seunshokkie
- Netbal
- Seunskrieket
- Dogterskrieket
- Swem
- Muurbal
- Tennis
- Prysskiet
- Landloop
- Perdry
- Gholf
- Sokker
- Varswateroewerhengel

ONS LEERDERS BLINK UIT

Rugby:

- Speel in die Noordvaal Virsekerbeker
- Vier keer Beeldtrofee wenners
- Agt keer Beeldtrofee naaswenners
- Beide die o.14A en o.16A spanne is Limpopo wenners in 2024, terwyl die eerste span naaswenners is. Die o.14A-span vorder tot die semi-finaal van die Noordvaalbeker.
- o.14A-span is NWU-16 reeks wenners en die o.16A-span eindig derde

Hokkie:

- Dogtershokkiespan is 11 keer Noordvaal wenners
- o.15-span is wenners van die NWU-16 Skolesportreeks, terwyl die tweede span naaswenners is. Ons hokkiespanne eindig algeheel in die gesamentlike eerste plek met Ferrum Hoërskool
- Vyf provinsiale spelers gedurende 2024
- Al ons dogtershokkiespanne word gekroon as ligawenners
- Die o.15-span eindig sesde in die Noordvaal Groot B-Afdeling, terwyl die o.16-span in die vyfde plek eindig

ONS SPORT IS DIE BESTE!



ONS LEERDERS BLINK UIT

Atletiek:

- Ons atlete wen die Noordheuwel Top 15-skole B-afdeling, asook die Elbé Pretorius Gedenkbyeenkoms.
- Tydens die Bosveld Interhoër eindig ons in die algehele 5de plek met 607 punte, 'n skamele 2 punte verskil tussen ons en Hoërskool Nylstroom in die 4de plek. Jaco van der Westhuyzen word aangewys as die beste baan atleet terwyl Marnu Hancke wegstap as die beste veldatleet. Ons dogters- en seuns-aflosspanne wen hulle afdelings, en ons stap ook weg met die trofee vir beste junior seunsspan.
- Nege atlete neem deel aan die Suid-Afrikaanse Atletiekkampioenskappe. Johan Helberg verwerf 'n bronsmedalje in die o.18 Diskus, Edunette Kriel 'n silwer medalje in die o.16 90m Hekkies en Marnu Hancke bronsmedaljes in onderskeidelik die o.16 Diskus en o.16 Gewigstoot.
- Kyra Hancke het aan die Suid-Afrikaanse Sewekamp-Kampioenskappe deelgeneem, as o.18, alhoewel sy o.17 is, en verwerf 'n algehele eerste plek tydens hierdie kampioenskappe

Netbal:

- Tydens 2023, eindig ons o.16A en o.17A-spanne derde tydens die Distriks-kampioenskappe. Beide spanne haal die kwartfinale van die Limpopo Kampioenskappe.
- Carla Storm, Kyra Hancke en Koketso Ntobeng word in die onderskeie Limpopo netbalspanne ingesluit tydens die 2024-seisoen
- Die tweede netbalspan is ligawenners gedurende 2024. Ons o.15 en o.19-spanne haal die kwartfinale van die Limpopo Kampioenskappe

Prysskiet:

- Vier skuts verwerf Mpumalanga kleure tydens 2024 en neem deel aan die Suid-Afrikaanse kampioenskappe

Tennis:

- Tennisspanne neem deel aan Limpopo kampioenskappe
- Dogterstennisspan is Limpopo naaswenners gedurende 2023

Muurbal:

- Muurbalspelers verwerf Mpumalanga kleure en is jaarliks Mpumalanga kampioene
- Ian Steenkamp het as deel van die o.19 Limpopospan aan die Suid-Afrikaanse Plattelandse Toernooi in Bloemfontein deelgeneem

Krieket:

- Gedurende 2023 was ons o.15 krieketspan liga- en Limpopowenners
- Gedurende 2024 is ons eerste krieketspan liga-en Limpopowenners
- Limni-Lu Heswick en Jaco van der Westhuyzen word ingesluit in die Limpopo span.
- Dogterskrieket word gedurende 2021 heringestel

Perdesport:

- Hoërskool Ben Viljoen word aangewys as een van die Top 3 skole in 2022
- Drie van ons leerders verwerf provinsiale kleure gedurende 2024

Gholf:

- Gedurende 2024, is ons A-span die naaswenners van die NWU-16 Skolesportreeks, met slegs twee houe agter die wenners
- Ons A-span eindig in die 25ste plek by die Suid-Afrikaanse gholfkampioenskappe wat in Worcester, Wes-Kaap, plaasgevind het. Juan van den Heever word in die Verre Noord gholfspan ingesluit, met Christoff Augustine wat in die Limpopo Hoërskole span ingesluit is.

Swem:

- Interhoër wenners tydens 2022, 2023 en 2024.
- Naaswenners van 2023 en 2024 se Top 8-swemgala
- Vyf swemmers word gedurende 2024 ingesluit in die Limpopo Swemspan
- Michael Alberts en Gustav Klingbiel kwalifiseer om aan die Senior Nasionale Swemkampioenskappe deel te neem.
- Gustav Klingbiel, Simoné Theron en Anné Marais neem deel aan die Suid-Afrikaanse Kortbadkampioenskappe

Landloop:

- Twee landlooptlete verwerf Limpopop kleure en neem deel aan Suid-Afrikaanse Kampioenskappe waar Vanessa da Silva 'n 5de plek verwerf
- Vanessa da Silva word aangewys as beste senior dogtersatleet tydens 2023 se interhoër

ONMEETBARE KREATIWITEIT



Ons bied 'n wye verskeidenheid kultuurtipes aan vir diegene wat verkies om hulle kreatiewe kant ten toon te stel.

Ons doelwit is om 'n perfekte balans te skep tussen sport en kultuur om sodoende die leerders die geleentheid te gee om tot die beste van hulle vermoë hulle passie na te streef.

KULTUURAKTIWITEITE


- Kunswedstryde
- Kulturfes
- Redenaars (Afrikaans & Engels)
- Revue
- Toneel
- Graad 8-konsert
- ATKV Jeugtak
- Ben se Pen
- Fotografie
- Mnr en Mej Ben Viljoen



ONS LEERDERS BLINK UIT

- Anika Pruis neem deel aan die ATKV Redenaarsfinaal gedurende 2024
- Ons ATKV-Jeugtak word tydens 2023 aangewys as die mees funksionele jeugtak in die hele Limpopo-Gauteng streek
- Ons redenaars verwerf 'n algehele derde plek tydens die Bosveld Interhoër. In die Afrikaanse Huistaal afdeling behaal Marice de Jager 'n derde plek in die senior voorbereide toespraak-afdeling, terwyl Anika Pruis die onvoorbereide toesprake in die junior afdeling wen. In die Afrikaans Eerste Addisionele taal-afdeling behaal Tebogo Mathunyane 'n eerste plek in die junior afdeling, terwyl Vanessa da Silva 'n tweede plek in die senior afdeling lospraat.
- Tydens die 2023 Interhoër Toneel eindig ons toneelgroep in die derde plek met Andrea Bronkhorst wat gekroon word as die aktrise van die dag
- Gedurende 2024 neem Izaan Kotze, Chenél Grundling en Caylin Sadie deel aan die ATKV se DigiToneel uitdunronde. Izaan word onder die Top 8-inskrywings van reg oor die land aangewys en neem deel aan die Pronkpodium Digitoneel finaal.
- Moshopiadi Nchabeleng wen die Thaba Eco kunskompetisie
- Tuimeltrein, wat bestaan uit graad 12-leerder Marice de Jager en oud-leerder, Christian Venter, stel twee enkelsnitte vry

FINANSIES



SKOOLGELD

R 33 550 per jaar of R 3 050 per leerling per maand vanaf Januarie tot November (11 maande).

- Skoolgeld is maandeliks voor die 7de betaalbaar.
- GEEN afslag word toegestaan vir skoolgeldebetalings vir die jaar vooruit nie.
- R950 VERPLIGTE eenmalige addisionele handboekfonds wat vakfondse insluit is betaalbaar voor/op 15 Januarie 2025. Sodra betaling hiervoor ontvang word, word 'n registrasiekaartjie uitgereik.
- GEEN HANDBOEKE SAL SONDER 'N REGISTRASIEKAARTJIE UITGEGEE WORD NIE.
- 'n Aanvangspakket vir skrifte word deur die skool voorsien - slegs aanvullende skrifte soos benodig, word deur ouers self voorsien. Skryfbehoeftes word deur ouers self voorsien.
- Handboeke bly die eiendom van die skool en werksboeke bly eiendom van die leerder. Vervangingswaarde van verlore handboeke beloop R350 per handboek.

Let asseblief daarop dat skoolfonds en koshuisgelde verskillende verwysingsnommers het, kontak asb. ons finansiële kantoor. Indien u een totale bedrag inbetaal, spesifiseer asseblief die bedrae duidelik.

KOSHUISGELD

R33 500 per jaar of R 3 350 per leerling per maand vanaf Januarie tot Oktober (10 maande).

Indien die leerling na Januarie in die koshuis inkom is koshuisgeld tot November betaalbaar. Koshuisgeld is vooruit betaalbaar. Geen leerling sal in die koshuis toegelaat word indien die volle bedrag van Januarie nie betaal is nie.

Yskas: Eie klein yskas mag voorsien word - R750 per jaar.

DAGKOSHUIS

Die koshuis funksioneer ook as 'n dagkoshuis (Maandae-Donderdae). Dagleerders wat van hierdie opsie gebruik maak word voorsien van 'n middagete en 'n lokaal waar huiswerk onder toesig gedoen word. Die bedrag vir hierdie opsie beloop R1100 per maand hetsy die leerder al die dae van die week van die opsie gebruik maak al dan nie.

Die bedrag is eenmalig vooruitbetaalbaar teen die 1ste van elke maand. Bewys van betaling moet gelewer word en by betaling ontvang die leerling 'n dagkoshuis-toelatingskaartjie.

Geen oornaggeriewe vir dagleerders nie. Aansoekvorms vir dagkoshuis is by die kantoor verkrygbaar.

FINANSIES



Kontakpersone:

Skoolkantoor – 013 262 2061

Finansies:

Me Jansie Bosman:

bvfinansies@benviljoen.co.za

Me Jackie Wagener:

bvfin@benviljoen.co.za

Administratiewe Sake:

Me Mellemie Wessels:

bvadmin@benviljoen.co.za

Me Nicolene Kotze:

admin@benviljoen.co.za

Bankbesonderhede:

FNB Tjekrekening

Rekeningnommer:

6265 554 4239

Tak:


Groblersdal

Takkode:


260147

Let asseblief daarop dat skoolfonds en koshuisgelde verskillende verwysingsnommers het, kontak asb. ons finansiële kantoor. Indien u een totale bedrag inbetaal, spesifiseer asseblief die bedrae duidelik.

KLASKAMERPLAN



Eerste Vloer / First Floor



Grondvloer / Ground Floor

BELANGRIKE DATUMS

DATUM	FUNKSIE	NOTAS
15/01/2025	Graad 8 verwelkoming en spanbou	vanaf 07:00 - 15:00
24/01/2025	Interhuis Atletiekbyeenkoms	Alle graad 8-leerders dra groen hemde
28/01/2025	o.14 Netbalproewe	
10/02/2025	Graad 8-konsert	
11/02/2025	Graad 8-konsert	
12/02/2025	Graad 8-konsert en klokluiseremonie	Leerders bring skooldrag saam. Na afloop van konsert vind klokluiseremonie plaas

KYK ASB. ELKE
SONDAG NA DIE
WEEKPROGRAM WAT
OP SOSIALE MEDIA
GEPLAAS WORD



BEN VILJOEN PRODUKTE



UULTJIE KOUSSE

R 140



BEN VILJOEN PAWILJOENKUSSINGS

R 150



BEN VILJOEN VISOR

R 100



SKOOLWAPEN VIR BAADJIE

R 55



TROTS BEN VILJOEN AANSTEEK-BALKIE

R 10



Slegs beperkte aantal
beskikbaar.

Hou sosiale media dop vir
nuwe produkte



**Hoërskool Ben Viljoen
Voortrekkerstraat 1
Groblersdal
0470**

**013 262 2061
bvbemarking@benviljoen.co.za**